



先天集

一

乙

先天集

四部叢刊續編集部

四時叢刊齋藏書

上海涵芬樓景印江蘇
省立國學圖書館藏明
嘉靖刊本原書板高二
十三公分寬十六公分

先天集序

甘泉子曰言語之道其誠之不可掩
乎誦其詩讀其書而知其人者善
言也誦其詩讀其書而不知其人
者非善言也誦其詩讀其書知
其人也者出乎其心本乎其性
情發乎其言言出而成文焉是



以由詩書而知其人亦若是而已
矣斯不亦善言矣乎若夫誦其詩
讀其書不知其人也者言不由乎
中不出乎心不本乎性情而擬效
乎他人如優人之抵掌為離合悲
歡之態粧飾乎雲烟月露之形如
巧鳥之聲又鳥足以知其人之面

目若何哉是故善言者如老人出
老人之聲聞其聲可知其為老人
矣不善言者如小兒效老人之聲
聞其聲人莫知其為老人矣故曰
言語之道誠之不可揜也余得南
宋山屋許先生之詩文曰先天集
者于其裔孫亮而觀之嘆曰嘻其

所謂善言者乎其由中心出者乎其
發於性情者乎可以知其人矣故誦
其詩讀其書其人逝矣遠矣于其
沛然者可以見其自得焉于其慨
然者可已見其節義焉于其惓々
狀者可以見其忠愛焉於其言屢
而見擯而復言國之危亡斬衰閉

門至死不變者可以見其大節不可
奪之志焉然則先生之為人盡在心
目中矣先生名月卿字太空蓋嘗
受心學于魏鶴山先生而有所自得
故其言至今凜凜猶若育生氣恍
乎若有所見先生之聲歎儀形然
亮也懇余序諸首簡梓而傳之其

六孝思善繼者歟

嘉靖十三年十一月十九日

賜進士出身資政大夫南京禮部尚書

前國子祭酒翰林侍讀兼修國史

經筵講官增城湛若水書

先天集目錄

卷一

詩四言

卷一

卷一

卷一

月代

正首

卷一

古詩五言

即目

次韻春谷

箕山

送碧梧入府

贈胡菊軒

并序

古詩七言

鴻安

除月二十三日夜夢

次韻陳肇芳筭贈李

相

次韻謝居直贈李

相

京城看水

故人

次韻胡溫升

玉甫
西野

次韻

大贈賈孟升
汪甫
西樓

長短句

謝長直韻李

京湖書水

題明皇貴妃上馬圖

涉世刺擊
羊韻李

古山近言

新安

律詩五言卷二

觀點
陳棟
并水

木犀
春谷

曉幄

古雲邊言

明月

甥館五首

吊程貢元

代仍六弟
吊程貢元
三首

挽番陽戴如會
貢士母
金氏

次韻汪敬子

挽汪士洪

同滕推游朱緋堂二

挽外舅二首

有感

住黛障

夢中作

閒賦

野人

次韻鄭將仕

霜日

得安道中

挽胡制機康侯

寄郭衢州

重寄郭衢州

寄留夢炎

重寄留夢炎

夜永

客來

咸淳

送張平湖山遊

次胡伯凱韻二首

題

項橫父臨清亭時
方生孫

捧硯姬室翠二首

獻歲

梅叟

挽妹婿汪汧四首

燈火

月色

帝學

次韻蜀人李施州
端午

送撫倅林評事歸班

天貺

飯了

大行皇帝挽詞五首

贈快霖

神靜

寄陳宰

次韻李制幹贈行

山川

律詩七言

卷三

拙堂詩

蘇長史二首

天道

木犀

次韻晉三姪招予及

同年飲

次韻雲岩

南堂

使華

允杰姪以詩來卒章和予生孫次韻一百首今

存四

用韻簡如晦

用韻自述

八角

歸塗

次韻程愿二首

寄顧次岳五首

鹿鳴用趙資相韻

入邑問炊中雲招王希聖起龍三首

遇黃先生

和趙資相

追賦暮游

次韻葉司戶

次韻黃玉如大章携
先集來訪二首

再和題黃免耕吟藁

代仍六弟吊程貢元

寄題岩經樓

次韻仲成叔賀雙桂橋

滿城風雨近重陽

挽座主吳倅

登慈恩絕頂有感

挽陳節使

挽李左藏

挽清湘令董介軒夢
程先生

挽馬樞密母段氏

次韻朱塘三

與陳宰開先

迎謁劉朔齋
行部 提舉

律詩七言卷四

贈黃藻二章

贈程惠子

辭賈徽州二首

三月二首

題趙尉洞源泉

贈墨士程雲翁

春日閑賦

題汪端翁廟

寄題張宗玉牕下

山房

賦新花竹

贈王竹窓

中秋謝施婺源爰

和子思弟韻壽母

次韻黃玉如求記

川原

次允杰五首

六月雨十一首

臨川家史君坤翁喜雨

浴罷

次績溪趙簿孟英見

投韻

次胡伯凱韻

贈李企

與杏山堂韻

寄東宮官

題俞時琰杏山堂醫

曆日

香潭八首

律詩七言卷五首

仲春初五日報謁

多謝

早起

厭厭

項似遺眉子硯

憶胡同年

賦廷玉菊存堂

賦吳廷圭篔簹西亭

題德新堂

起來

露

臨川

送孫山長謁皮叅政

代弟二首

挽張丞泳

送周徽州赴建州

次周尚書八首

排律五言

暮春聯句九首

詩雜體二首

途中賡禁體雪韻

題清足堂

用名世弟韻

次韻程說和

絕句五言

卷六

十二辰中二首

次韻曉行

悶來

贈朱野拙

絕句七言

千年

黃菊

次韻胡同年女

人間

次韻馬樞密二首

八邑道中三首

有感二首

賀滕推入郿奉祀

途問五

車中

白雪

槐影

吟蛩

朗湖道中因見二事信
筆二首

贈碧鑑相士蒲田林
行可

贈談命韓東野

春日

與鄭婺源

賀楊司戶庭玉

新安道中

無山

望中

首夏

用勾吳初隣

題婺源齋序

次勾胡梅瀧

月庵

贈寫梅僧處能

答雲甫程文

贈竹溪

贈張相士

贈梅隱術士張尉

雪後

送高安辛聖祥謁後林

送徐君何

簫鼓

雲護

月明

咸淳五年天下都散漢許月卿飲無算醉後吟
詩東筆達旦

此行

樂天

風起

觀吳廷玉五雲歌書其
後而歸之

旅葵菑

次勻周學禮

訪渭陽

題劉後村所跋楊朴移
居菑

呈翁司理名方子權
菑邑

跋東坡墨跡

二芝蘭

即事

九江

寄張立道

休休

茶蘼

默齋壁間竹鶴

星學

記卷七

天多許記

友仁先生壙記

題跋

書楚辭後

跋許氏世譜後

書卷八

上程丞相元鳳書

答吳丞相潛書

與鄧宰書

雜著

志樂平朱氏榮綠堂

經義卷九

聖王制御常道如何

啓

與曹徽州

賀朱尚書

賀蔡公杭

賀厲制直

賀余子新娶

碑

婺源朱塘晦翁祠碑

奏疏卷十

進大行皇帝挽詞疏畧

劾余玠子如孫疏畧

贊
山
墨
書
刻
文
錄

唐越國公追封英烈汪王像贊

行狀

大
德
志

李太安人行狀

邑
志

銘
實

校尉雲屋許公墓銘
戴氏母墓銘

附錄上

臨汝書院講義
宋履齋吳公帖

宋矩堂董公帖
紫源汪公帖

東澗湯先生書
涇溪劉先生書二

秋崖方先生書

送許允杰序書二

附錄下堂董公詩

崇祿王公詩

宋運幹山屋先生行狀 宋顯齋吳公詩

事錄上

公牒三道 蔣公墓誌 趙月世墓誌

事實

郡志 卷八 行狀

邑志

許鄉賢錄

文獻志

南畿志

公詩 其頌 王君詩

請建山屋書院文移

先天集卷一

星源山屋許月卿著

裔孫

亮校正
熙類編

詩四言

月代

月代太陽太陽代月君逸臣勞職分無越穆穆皇皇
明明在烈光于四方罔不秉括火明水清坎離斯設
日月有明容光靡闕無非教也教亦不屑金取其清
分明之精東有啟明西有長庚金清月白助天日明
日明相續萬物咸覩匪今斯今不瞽萬古

古詩五言

古次韻春谷

谷如三月間屋向萬山安春谷與山屋別有天地寬
枯淡風月皎富貴鶯花遶大山表牡丹此意殊未曉
箕山惟一瓢襄邑亦四壁古今一許氏傳家以清白
茶山與東萊三詩映圭璧後來二三賢題品互紬繹
南軒推學授晦翁要事實亦有小東萊經濟亦何切
極意深源流敷殖久大業臨川有二許我來秋蕭瑟
撫卷三嘆起寒花香的皜

送碧梧入府

人勸公入相我勸公早歸今以副樞入好以元樞回
易爲六經宗學易貴知時時止則時行時義大矣哉
故嘗論今日兩語見稱竒但且爲執政宰相未可爲
若爲伴食相何如酒一盃曾以語裕翁裕翁爲一啗
英雄見畧同明公試思之文正爲清獻何曾美鼎梅
史册香萬古日月名長在時止時則行宰相須時來
時來然後相當傳忠定衣官職難名節願公玉無疵
壯節題初節願公玉無灰耐久老柱石身佩國安危
五福一曰壽壽國身之樞請君看老子寡慾身壽眉
心清萬里明可杜倖時窺寡慾善養心軒鑑照魑魍

夕月集卷一
二
歲晚成二老種蠡相墳箠坐令四太平太宗生光輝

贈胡菊軒拜序

表兄菊軒居士胡公予銘戴母古君子之曾
和未幾孫鄉善人彬州推官汪公之外孫酷似其舅
不酒不肉雞鳴而起孳孳而誦佛書將以超
度十五位我廟之靈余曰范文正公守番禺
忌前一日命芝山僧誦金剛經夜夢云得古
佛經半卷已超度矣明日入山有僧過曰古
塔主扣之果如夢中語戲云何必看畢曰好
物不雖多予曰

好物不雖多自悟方悟他心迷法華轉心悟轉法華
願得無言經盡度恒河沙盡度一切已依然無一物
籟鳴天河斜清風共明月

古詩七言

除月二十三日夜夢

仙君重瞳袞衣明紅雲一朵當殿楹千官拜舞環佩
鳴中有一人攝齊升琅琅敷誦百辟驚首云有臣許
月卿合在帝所式群英煌煌名節來帝廷膚使奕奕
華弓旌我時荷邊食芡菱坐茅心渙儼不聽從天飛
下蒼慈珩申傳帝命通叮嚀親授秘訣餐長生提耳

言言帝旨令夢回題詩香枕屏

次韻陳肇芳竿贈李相士

相心然後相人形試相何時可太平集思廣益真宰
相開誠布公肝膽傾先相君子與小人小人枉了君
子羸見吾善者笑局局眼明黃山峯六六何哉逆整
干天誅衰漢生靈已魚肉安得重見無極翁光風霽
月黃山谷

次韻謝君直贈李相士

一年景讓秋光竒山水秋來皆有姿君於何處相人
物誰爲盜跖誰伯夷伯夷海濱待時清秋空無雲正

清時相人不若相時好相時而動談笑麾笑殺馮道
五季時興亡不喜而不悲相師試相馮道相視國傳
舍如奕棋

京城看水

幾千萬里碧琉璃中有一圓光照之更無一物可與
對部勒星宿光陸離憶昔看月大江頭天地中間風
吹衣凡客無緣相賓主獨携杯酒獨吟詩祇今千門
萬戶閉良夜京華無人知似我快活更有誰故山今
宵月更奇明日懶人真箇歸

故人

故人歸作山中相老我聊乘雪夜舟細君頗訝不入
市山中訪友將何求扉屨資糧奪之去毀車截鐙挽
予留一笑謂汝賢細君無求我乃肯出游宰相良解
軒輕予定難屈膝低我頭同雲一色天欲雪夜深雲
散月明樓

次韻胡溫升王甫西野

偶爲西湖萬山出三省興中歌四勿中庸公子惠新
詩句裏韜筋猶柳骨文章感慨湏和平能泣鬼神風
雨驚和聲似鳴國家盛送東野序序文鳴西野文鳴
東野法積中和順英華發我詩不作郊島寒曾誅莓

苔隨意踏誰道楊花本無才
天展湖山圖畫開何須
更問逋之覓夜深明月半窓梅

次韻

臨川老儒王半山文章未肯班
傳聞亦有臨淄晏元獻樂府一奏開
天顏我來此州嗟何晚前哲風流挽
不還泉石黠淡山氣瘦芙蓉飄零秋意闌
有客携詩來過我議論磊落文波瀾
詩盟豈止尋宗派理學猶規拜將壇
風雷凜凜三寸舌招槌賢拂佐天慳
古來言行要相副願言大德不踰閑
秋月皎皎鶴蹲蹲春風洩洩禽關關
江岷山兮溪嶓塚天根躡兮月窟攀

長短句

題明皇貴妃上馬圖

開元天寶號太平快活三郎偏縱情帝閑天驥雲雷
駃回首絕怜妃子醉海棠酣春睡未足扶上馬時顏
山玉二璫兩邊扶蹋鞵群姬爭扶不用命萬花叢玉
山花花朝王醉牡丹共立馬前黃幡綽獻笑顏容似
嘲謔三郎勒馬頻回頭兩手按膝雙凝眸夾立兩旁
御弓箭帶御器械如行殿二璫相語儼相向貴妃未
至龍顏望龍顏不怡吾曹憂昵昵私語雙燕秋御前
兩驥立仗俟御龍整暇聊緩轡卷中何止數十人十

人眼只在一身朕能墜馬替妃子不忍花飛驚
三郎但念妃子醉豈知身醉誤國事儻知敬是常惺
惺提主人翁教醉醒醜醜婦斟薄薄酒醜婦添翁多
少壽無益爲后能彊齊夙夜警戒鷄鳴詩花鈿安得
紛委地馬嵬安得有墜時

涉世

涉世如溪谷只宜在淺處一生如一日未暮早歸去
君不見偉哉男子韓淮陰往往正坐涉世深功成身
退豈不好當時何事歸不早人生少年須立事生我
不應負天地了却君王事便休去時莫待雨淋頭如

夕月集卷一
今版圖半烟霧眼看流離無限子取將舊物還君王
襁褓赤子寢之床青天白日正亭午歸去彈琴鶴對
舞靜與賢傳不
春風吹袂浴沂天

山近

山近綠映日山遠青帶烟平生有山癖夢亦山水邊
山好水益媚山老水連天我家非洛中亦非獨樂園
只在山屋上下亦有流泉俯仰頗樂之妙處無昔賢
今日來別墅水滿山四環嗚呼何處無山水有酒且
飲明月在前山

新安

新安別無奇只有千萬山千山萬山中其奇乃出焉
下者爲硯石與世生雲烟高者無繫累飄然出神仙
忽生朱晦庵追千萬世前示千萬世後如日月當天
嗚呼新安生若人不知再生若人是何年

先天集卷一

先天集卷二

律詩五言

木犀

詩到黃初上高標不肯唐

先師鶴山魏文靖公常謂唐人小木犀詩分封

在香國筮仕得黃裳錦畫纍金印
瑤英案玉皇黃香天下士誰得並清芳

曉幄

曉幄明初日晨鐘遞北風
人生行樂著天道好還同
我友詩三昧吾衰酒一中
萬間君雅志突兀倚晴空

雲邊

夕月集卷二
雲邊人種麥天際我歸舟月色輕寒夜笛聲何處樓
久晴人渴雨倦仕我思休高士傳閑看東籬花正幽

明月

明月天雙鑑清湖地萬弓人行楊柳外身在畫圖中
天濶雙眸快樓高萬象融故山應更好楊柳映芙蓉

主學言湖樓甚佳只欠芙蓉

甥館五首

月色真圖畫風聲古瑟琴月風天地職風月聖賢心
竹砌水如璧梧岡朋盍簪不須聯句得天籟竹梧吟
冬至思吾姪樊川示阿宜驅羊官易取觀象易難知

不遠復三字大音聲一詩屏山宗邵子晦木不忘歸
醉鄉真廣大靜夜絕鷺塵月色明如晝天涯總是春
鳥飛林不夜蝶夢路無人天地中間我孤高誰與鄰
國士今爲鬼有棺空斷腸綠衣長至節丹旒短松岡
父乃哭其子天乎殲此良傷情臯某復挽些謾巫陽
國士報國士後人哀後人萬物邪勝正一理屈終伸
秦暴二世滅周仁八百春紫雲樓上語億載宋深仁

吊程貢元

灑淚陳情表何心貢澤宮波平看躍鯉浪急不成龍
花誥榮孀母藍袍付畫工無人儔孝友烟樹慘新封

代仍六弟吊程貢元 三首

仁者竟不壽世事空悠悠霜滿人洪墓月寒尊美樓
慈烏千載恨薦鴞一生休畫史成何事青山烟照眸
器訟漸成俗如君今豈多仲尼仁者靜下惠聖之和
夜月數聲笛春風一再歌紛紛當泚顙視此石嵯峨
松下草不殖豪家多不仁惟君淡於水與物靜爲春
多爲流涕者應無切齒人墓前有梧櫨那復見荆榛

挽番陽戴如曾貢士母金氏

霜氣凜閨妹嚴風老更癯詩書謂有子門戶可無夫
鷓鳳橫秋鶻孤鸞啼夜烏長松有風雨枯草但平蕪

次韻汪敬子

好善芝蘭馨惡惡鮑魚腥一心宰天地萬世流風霆
六經如元氣異端如氛埃會往洙泗濱傳取心印回
挽汪士洪

昔日杜小姪中年馬少游不知身外事祇覺鬢邊秋
有子三株柳同公荒草邱梅溪一夜雪片片逐寒流
同滕推游朱緋堂二首

當日朱緋夢荒烟化鶴城斜陽邊草色深樹裏禽聲
欲雨踏微濕出雲山半青神游應故里只欠愛翁亭
此翁有山癖曾此夢魂驚慷慨思逾淡郊行酒易醒

鵬來賈生去熊兆太公歸地主殷勤別雲霄萬里期

次韻鄭將士

何曾離日用千古到如今
菊蕊霜全節梅花月印心
韓公斡竹詠蘇子楚山音
鄭斡楚山人谷口微吾子風流
何處尋

霜日

霜日步行遲雲山履曆長
蘆花相遜揖松樹自宮商
竹動鳴珂里桃成衣錦鄉
水邊籬落好一夜玉爲堂

得安道中

洲渚但明月人烟如曉星
春泥纔故里秋水又浮萍

衣破披簑冷厨空煮草腥抱兒含笑語衣裏麥青青

挽胡制機康侯

鷺點青松白鷺穿綠柳黃兒時工對偶老去更文章
誅意平生學爰咨去路忙酒邊招隱操我更憶山堂

寄郭衢州

渤海潢池盜龔卿奉詔憂東軒繼芳躅西府踵清流
同榜黃扉匹中峯皂蓋儔中齋同一笑山屋好中秋

重寄郭衢州

細數東京士無如許郭優山林異朝市姓字欠書郵
久已巢由隱難成李郭舟三衢春有脚山屋好中秋

寄留夢炎

山屋好中秋中齋炯在眸中流誰砥柱野水却孤舟
上意甘盤甚來遲季子留願毋淹獨樂留相九重休
重寄留夢炎

安得肉生羽從公出外游同年多契闊新句孰賡酬
天玉梅花雪人寒野水舟中齋難醉白山屋好中秋
夜永

夜永月清甚雨餘風快哉月將槐影出風遣桂香來
風至地自掃月來雲亦開三千翰林手光霽瑩靈臺
客來

客來商畧詩夜市正驚時雲破天青眼烟收月白眉
芙蓉天富貴松竹月清竒我醉欲眠去携琴明日遲

咸淳

咸淳風樂好淳厚似咸平人意逢春樂天心遇杜晴
征僮催遠信舞袖促新聲今歲梅能耐咸平詩可盟

送張平湖山遊

殷勤來訪別去作子長游雪霽月清甚天寒鴈過不
沙堤今相府花苑古蘇州歸踏梅花好還來問白鷗

次胡伯凱韻

日日常三絕時時酒一杯西銘爐上雪太極地中雷

屏破青山出池成綠水來飯餘三兩步一樹木犀開
題項橫父臨清亭時方生孫

青梅如豆子更可緩臨清倚杖閑花落憑欄芳草生
逢人須說項生子又添丁千葉桃難實山茶耐久盟
捧硯姬空翠二首

捧硯姬空翠隨琴鶴曉烟夕陽更山外流水自樓前
芳草垂楊地和風麗日天戲游看處處明媚自年年
看山車放慢遇水馬爭先須信一年景無如三月天
露花如此好烟柳十分員客醉不須去竹床相對眠
獻歲

獻歲歡聲沸清晨寒氣侵四時春是首三日雨為霖
綠展垂楊眼青呈芳草心日晴仍夜雨擊壤費謳吟

梅叟

梅叟真佳客冰壺賢主人移樽隨月飲顧典到更深
蠟炬精神耐梅花氣象新明朝山屋去隱者詎能尋

挽妹婿汪汧四首

奉禮徒員外京師枉治中二郎槐不做四老橘成空
三鳳巒岩子雙龍寶劍雄萬人真莫贖愁絕老坡翁
郎罷當年語深閨婉婉三有齊之季女必得有奇男
滿目呱呱泣傷心切切彈離鸞驚別鵠何日淚痕乾

一疾那知死三朝竟不醒遺羹真慘愴分肉尚精明
玉樹衣難綵壁岩蘊枉青英魂千古在稚子讀書聲
亡恙壁岩日媒云婦有依世科居六世時事彼一時
寂寞吾州隔諸孤我妹慈九京逢桂老東坦愧羲之

燈火

燈火掩柴門踈燕烟水昏鷄啼孤月曉犬吠隔山村
桃葉翻新曲梅花返舊魂淒其何處笛一笑卧空樽

月色

明月亦清哉清風絕點埃村童催睡去野叟問禪來
樂事賞心夜清風明月梅夜深羣籟靜猿鶴莫相猜

帝學

帝學須君入天游輸我豪君方註老子我自讀離騷
湖上春風好山中夜月高山高君寄內湖海我陶陶

次韻蜀人李施州芾端午

幾日愁無雨夢回聞雨聲恰逢端午至不覺和詩成
慘淡疑天淚滂沱吊屈生邦人云此日陰感助陰兵

臨川人謂端午
日雨鬼旺人災

對時思故國客裏厭南音同谷淒涼惡三閭感慨心
賜衣聊杜句要艾孰騷吟莫說成都景岷峨秋滿襟

送撫倅林評事歸班

分月年将滿朝天早戒嚴芝函新紫詔棘寺舊青氈
梅雨商岩識槐花宰路占應留待漏院揮翰屬名賢

天貺

天貺逢佳節地靈鐘異人今朝書上考同日是生辰
部使星留次臨川月半輪明年當此日五馬列朝紳

飯了

飯了庵中坐高情等寂喧井泉春戶口篆火午香烟
句好堪呈佛心空不問禪一聲天外鴈秋意滿徽絃

大行皇帝挽詞五首

創始昌陵漢中興高廟堯登遐皆十月揚烈擅三朝

再造煌煌業叅侔浩浩霄中興兼創始二帝侑逍遙
享國昭陵似龍飛四十春哀榮皆甲子創守又庚申
刑措成康治風移堯舜仁瑤編再仁祖萬葉道如新
紫陽儒者侶恨不與同時指示四書要躬親百世師
欽崇道貌業懷保誥寬慈玉殿淒涼處瑤題尚啟敷
從諫如堯禹聞言若舜文五臣躋下三誥斥下居
聖度天同廣忠謀日有聞甲辰親策處懃論玉顏欣
此日營陵處當年毓聖鄉幅員哀踽踽羽衛道煌煌
有慧憂天墜重輪麗日光謳歌吾君子千載聖情傷
七月而葬始有挽詞制也聞哀則賦臣子至

外子集二
痛之情也百世報宗廟千秋永裕陵此詩似
有甚憂泛只此二句諸廟諸陵皆可用千
年

贈快霖

有客闖東籬星翁身姓支快霖爲道號直術不支籬
試與談災福斷然無詭隨小溪天下士持此往叅之

神靜

神靜何須卜心閒即是仙
芋煨牛糞火瓢滴馬鬃泉
綠染春風柳紅勻曉露蓮
明朝晴景好一棹盡平川

寄陳宰

上國春多雨西江蓮自香
恐人疑少室惟我薄淮陽

南北東西命君臣父子常到官理詞訟月色更風光

次韻李制幹贈行

科舉有衣鉢臨行問細君梅花入征夢楊葉礪功勳
儼對丹墀日捷排闥闔雲政須及邊事毋惜齒牙論

山川

山川長不老人意欲如何霜後葦葭健秋來洲渚多
河汾周舊典洙泗魯餘波悽愴從陳蔡令人涕滂沱

先天集卷二

吳天集卷二

何長周晉典米四魯無刻楚會吳東樂令人
山川身不孝人意怒收何露新華對動峰來
出節多

山川

謝樓丹嶽日對淋閣圖雲如原及遠軍世許
詩不歸
梓舉官秀轉湖行問曉我林森入玉意林華
觀水煙
六館來歸鎮觀行

南北東西命吾自父平書臣官野隨歸日進
要風去

先天集卷三

律詩七言

天道

天道尊高父道同地親如母祀先農社翁不肯飲殘
水野老猶能存古風簫鼓村田聊擊壤雞豚社酒好
治聾滿庭芳曲還堪唱一笑東坡鬢已翁

木犀

桂犀明辨不雷同長憶先師品藻公風到如開香積
國月明疑在廣寒宮含香結佩風宜月累印懷香月
稱風酒裏典刑幸猶在先師醞藉孔林叢

次韻晉三姪招予及同年飲

戀闕重陽不入都菊英雖好不干渠樽前丞相方行
酒花外堯夫恰小車錫未封胡延客醉雷陳張范預
期酤他年三徑羊裘隱君子應能范蠡圖

次韻雲岩

權輿於我屋渠渠久敬如君世莫如明月清風詩滿
案好天良夜酒連車樽前遠韻輕盈菊醉後分題爛
熳書凡此坐中人十九鉤樞玉帶客金魚

南堂

南堂有客種秋旻面面軒牕納曉雲雲入書檠無俗

氣月來吟几有清芬豈無綠竹詩淇澳亦有蒼苔書
篆文閣上桂枝宜努力難兄難弟總由人

使華

使華館伴日宣勞風雨連床夜作逃愛惜太癡如拱
璧棄遺勝讀若秋毫雙清幽沼芳泉活一碧長空皓
月高坐看睡魔三舍碎金爐獸炭古離騷

允杰姪以詩來卒章和予生孫次韻一百首今
存四

陳陳史傳勘玄幽一笑誰能問慎由往往東南旗運
盛亭亭西北蓋雲浮瓊樓玉宇無身翼弱水蓬萊有

艾舟聖主攘夷脩政事可能吊伐至枋頭
玉川破屋抱遺經生子添丁意命名門暗碧雲憂國
志牕明紅日愛君情柳綠學徒勤左塾花紅主婦饌
前榮他年誰註徵君傳好把吟篇着眼評
山已幽幽墅更幽幽居別墅儘居由數間屋想今岑
寂萬斛船忻正拍浮採藥幽居伶閉戶圍碁別墅夢
歸舟明朝菊徑歸來處二阮黃花插滿頭
孫枝遙喜道韋經老手摩頭咳唾名豚犬吾兒夷
姪虎龍孫祖退之情洗兒湯餅吾方拙教子鹽梅汝
更榮許氏一門忠孝盛夔臯熊虎
延評

用韻簡如晦

龍溪毓秀自平陽千載詩葩分外香錦里篤生天下
士玉堂曾看甲科郎龍溪季子代無乏鶚薦明年定
破荒桂樹黃堂秋色裏何妨演習鹿鳴章

用韻自述

菊花開處即重陽月桂中秋夜夜香紫綬象環如魯
叟綸巾羽扇亦周郎不憂鴻鴈稻梁少但恐鶴猿松
菊荒宰相山中書幾考清風明月老平章

八角

八角亭中天似水七言城裏夜未央主人解榻賢材

館門客避堂上下床籟寂寂時星歷歷泉涓涓處山
蒼蒼主人門客皆觴詠羽扇綸巾獨篆香

歸塗

望外雲頭日高掛竹間亭子雪猶存啣蘆鴈起瀟湘
暮賣炭人行烟火村綺疎月照牕如畫寶鼎香銷帳
似雲欲轉冰壺渾未暇党家習氣彼羶葷

次韻程愿二首

我家張許同生歲果者堯時值聖明丙子與君無貴
者甲辰惟我亦同庚閑雲萬嶺林泉興明月一溪邱
壑情同歲同心有如此相期歲晚李歌行

二李歌行醉裏歌君溪兩棹我烟簑鳳凰臺上我山
墅虹馬軒高君月坡曉徑醖間追李杜夜牕灰裏撥
陰何長哦歲晚成二老詩社往來君肯麼

寄顧次岳五首

柳塘醉我無邊酒得壠癡生望蜀心亦有白衣雙白
玉不孤黃菊萬黃金寶婺古來金綉水銀蟾後夜玉
青岑韋齋井畔通宵月應照空樽印渴襟

韋齋井畔通宵月流出文公闕里心半夜起來湖瑩
玉明朝應有柳搖金萬壑正看天地肅一樓坐斷水
雲岑鏡湖樓扁知無恙二十年前醉解襟

鏡湖扁字無今古無古無今只此心雲入枕邊堂署
玉月窮天外日鎔金樓臺髣髴水墨畫烟霧空濛岩
壑岑湏信尚書最難讀人間無許大胸襟

運千可際休明運心一堪傳賢聖心不一此心非自
玉半千之運或如金道源天出三清境遠目明雙寸
碧岑胸次湏令天樣濶五湖為帶三江襟

半夜開窓凭闌坐無心雲起鏡湖心鋪茵煙草漫天
幄璞玉樓臺渾色金訪古寂寥秋漠漠懷人感慨碧
岑岑未知何日韋齋井明月清風煩暑襟

鹿鳴用趙資相韻

宗主人材郭子儀門多將相蔚相輝托根小草秋榆
宦食葉長廊春棘闈報國自怜心事壯憂時不覺夢
魂飛平生此志非溫飽勲業從公問指歸

八邑問炊中雲招王希聖起龍三首

希聖平生詩酒豪居然閉戶學孤高不知昨夜秋風
柳得似當時春日桃別去半年猶旦暮胸中百痒欠
爬搔虎溪破戒君須解已辦清詩與濁醪

移文招子氣添豪畢竟牢關計未高留得商霖活秋
稼未應禹浪怨春桃半牕明月詩誰和一劍空燈手
自搔來此共君思昨夢秋風江上幾投醪

外天集卷二
五
簞瓢不改乃真豪之子胸中志自高本自無官彭澤
柳不知何世武陵桃牕前草色勤鑽仰堂上萱叢敬
抑搔好向中庸看未發養成和氣盎春醪

遇黃先生

策馬沙頭值此翁恐成鴻燕嗇相逢歸鞭亟指遠峯
碧握手頻看笑臉紅淡月一簾清坐處高風千載慨
歌中淵源自昔崇師友吳下應怜舊阿蒙

和趙資相

手托東南半壁天向天捧詔下搜賢塵沙騎鶴征鴻
倦衢道乘鸞病驥先王陞九重將玉立珠簾十里看

珠聯狀元宰相平生事雅意中原願執鞭

追賦暮游

余庚子冬絜絜離廣陵將肄奉常試業于

京師舟泊無錫日已暮與王希聖微服游南

禪蓋訪古也參寥題名壁無恙寺記有碑碑

陰結字甚偉視之蔡京也出門煙樹蒼然數

僧遇語而已余與希聖却立四顧曰此佳景

也當寫之為詩而舉子業亂其中不能就暇

日追想宛在其目為詩以寄希聖其明年冬

十一月也歲月驅人又可一慨

錫山舟泊似荒村微服南禪古跡存壁上姓名今已
遠碑陰人物了能言薄游少少山侵袖遠思悠悠風
滿軒携手出門烟樹密數僧離立語黃昏

次韻葉司戶

舟自搖搖釣瀨濱睦州司戶得詩人

吉州司戶官雖小魯得詩人杜

審言對床夜雨如蘇子滿座春風似伯淳文武畧窺瑤
殿射發衢爭耀錦鄉春金華葉相垂青史青出於藍
局局新

次韻黃玉如大章携先集來訪二首

夜宿槎溪碧草幽草牕招隱勸巢由朝來忽得新詩

好客裏俄驚喜氣浮秋老空山
唳清鶴天寒野水卧
孤舟細吟天下黃香句曉霧輕烟古渡頭

橋梓風流滿腹經桂花香裏識魁名翻成宵夢古今
事何況人間父子情先集一編詩橐富家傳萬卷子
金榮挂名叙跋流芳遠曉起吟牕仔細評

再和題黃免耕吟藁

免耕遺藁九京幽宿諾吾方負仲由宿諾斜陽悲宿
草沉思一旦落沉浮池生春草虛堂夢楓落吳江何
處舟有子九京如不死一輪明月墓山頭

優游一辟難贄經仲舒師友盡時名已登鄉國一經

薦未究天人三策情文定浚源雖瑩徹牧堂奕葉必
敷榮紫陽風水深留意磨石佳城後世評紫陽明地
理免耕亦

明地
理

代仍六弟吊程貢元

少從諸父與君游到眼銘章淚莫收水闊騎鯨霜葉
落波寒躍鯉雪蘋秋當時折桂浮雲夢今日叢萱暮
靄愁惆悵人洪暗煙月淡凝碑字濕松楸

寄題岩經樓

樓中圖史澹爐墨中有成都較藝文手澤存焉生舊
感心傳妙處長新聞世科事業無如子經學源流可

致君祇恐校讎天祿閣猿啼樓外滿溪雲

次韻仲成叔賀雙桂橋

展墓歸來春水浮橋頭望月正如鈎橋成未用問誰
住意遠應同逐水流天外鴈鳧何足許人間鹿豕可
全游須知莫說存耕知有秋

滿城風雨近重陽

滿城風雨近重陽一舸烟波入醉鄉心事已同鷗鳥
白眼界空有雲山蒼酒安能管興亡事菊亦頗復時
世粧何似長歌明月裏月明天濶地更長

挽座主吳倅

菊翁去後菊園荒壽不如花儘自香進學解成誰具
錦題輿字濕已黃梁衆流出壑三秋暮明月照松干
仞岡冷落僧爐數間屋但留名節付賢郎

登慈恩絕頂有感

爲學平生不究源未妨絕頂上慈恩塔高俯視群山
小江濶能容巨浪喧人每中登難脚力誰於高處領
天根須信平生爲基址基址牢時德業尊

挽陳節使

凜凜如公一寸丹荒城夜月徹清寒向時尚已死諸
葛今日難貪老阿瞞素志平生兆馬革黎民一郡博

彈冠隻雞斗酒群群識吾力猶能減賀蘭

挽李左截

少年謂子氣橫秋壯已邊城汗漫游筮仕弗如歸亦
好讀書未了死方休半生懶意琴三疊千古詩情土
一邱月落錫林烟露冷松風無籟自颼颼

挽清湘令董介軒

夢程先生

偏得人間謗與名蓋棺方定伯夷清五經笥滿風雲
壯百尺樓高星斗橫明月照庭香不斷狂飈吹雪意
如生河汾回首成今古禮樂猶將致太平

挽馬樞密母段氏

哀榮華心之隨平權對露

松岡新植瀧豐碑千古哀榮誰似之
訓子斷機霜雪冷退朝猶績月星垂
綠衣西府梅花落素幄北堂萱草萎
何惜沙堤明日路潘輿無復再來時

次韻朱塘三首

淳祐二年春王正月丁巳許月卿過滕滕子

曰子嘗游朱塘乎曰未也曰淳熙之三年朱

文公歸故鄉游朱塘山深水靜荷華其間慨

然曰是吾夢游所也此誰之土於是先大夫

拱而進曰先業也先塚在此文公曰是宜爲

亭以領山水子取幅紙吾爲若書以告同志

者共成之先大夫雅謹畏時又少四顧無楮
筆則已異時爲鈞言以爲恨常試與子游

乎遂如朱塘歸相與爲詩秋八月亭成郡丞
秘書郎書其扁曰晦庵亭滕子以三詩來有

昔之者冬十月詩成月卿用韻亦賦之

杏壇黃葉滿霜林何幸朱塘兀古枌試上月臺因問
月知涵雲谷幾多雲夢游當日成何事嗜學于今喜
舊聞我意昨游春水滿重來秋意見涯垠
游子從來悲故鄉歸來襟袖芷蘭芳夢魂飛去雲濤
遠杖策閑行秋水光可是夢中曾到此安知身後却

餘香紫陽弟子有賢子卜築新亭真肯堂
謾著新亭俯碧漪高低草樹任差池
須知亭扁須時彥不是谿齋不勇為
水靜山深悉天趣風光月霽足
吾師未妨賦誦銘顏樂正學於戲無已時

吾師未妨賦誦銘顏樂正學於戲無已時

吾師未妨賦誦銘顏樂正學於戲無已時

到處逢人說大蘇一門兄弟古今無
吹埴林五黠山馬鼓瑟陳雙婺
水鳧定分有殊自鵬鷗閑情無限儘
龍猪歸來坐倚蓬牕下少挹春風過里閭

迎謁劉朔齋

提舉行部

公為事常隨與子孫

百城奔走候車塵庾節光華婺水濱
人望朔齋春有

脚家傳元祐水無心天低日近霜華曉地僻臘殘梅
蕊春願得劉家再忠肅前為伊鼎後商霖

先天集卷三

先天集卷三

越春醜野隱家再忠廉前為母出於商霖

卿家勳示辭不無心天於日丘露華無此緝期矣辭

先天集卷四

律詩七言

贈黃藻二章

參軍一夢到詞場
難弟想應瞻聖皇
此去捷音來鼎
鼎向來諸老去
堂堂馬頭雪絮天
街玉人跡板橋
店霜君去世科傳
伯氏釣舟留我住
嚴光
星邑唐詩韻一天
參軍生死別經年
君來佳句賓朋
誦我願世科昆弟
傳別語明晨繞朝
策秋風來歲祖
生鞭難兄難弟誇
京邑莫負當年夢
惠連

贈程惠子

我朝詩道愧唐人魏晉風流更勿論莊子于今逢惠
子孔門自昔契程門君宜鶯出雲霄路我亦猿吟烟
水村趁取山人來離谷梅花湖上返詩魂

呈色辭賈徽州二首

束書歸去饗梅花底事霏英故故斜約住忙中千里
鶴羨渠如意兩歸鴉家中見雪念爲客客裏觀梅不
似家園樹暫時梅鬪白明朝休向我儂誇

岫雲休恠此行徐出處家風本俗如當任宣尼無俟
駕肯辭孟子範馳驅如金歲月人奔競似玉行藏我
卷舒極目冥鴻揮綠綺忘情魚鳥盡江湖

三月不學重回首青嶽黃昏照老顏

三月春如少年時了知造化最兒嬉
智行無事柳飛絮道法自然花滿枝
錦綉園林天富貴神仙院落月清奇
老天長似春三月游嬉人間不皺眉

五言題趙尉洞源泉

歸去來詞書印曆高風千載汝南評
松間風影有地籟林下炎天無水聲
行客詩魂同石瘦主人心事共泉清
明朝遮日長安去君亦曹裝趣上京

贈墨士程雲翁

滿地干戈正擾攘
君家猶自搗龍香
輕清披就烟雲

質堅勁磨來金玉相倚馬喜資揮露布飛鳶端藉發
天章山屋莫道渾無用留寫樵歌入錦囊

春日閑賦

數行竹樹鳴春雨一簇人家帶曉烟省事山丹自籬
落親人海燕並庭簷樓高思遠天無極酒罷歌闌月
正圓新茗一甌香一篆與君清坐看風簾

題汪端翁廟

双杉為人所伐

端公碑石蔓蘿捫嘆息雙杉拔本根將畧傳家自忠
顯侍兒象首亦平原乘風飛去乾坤窄踏月歸來烟
水昏往事不堪重回首青燈黃卷照芳樽

寄題張宗玉牕下廬山

廬山移到龍溪東
兩壁生雲無數峯
夢與文淵三峽水
共叅金露九秋風
萬山恍對凝塵榻
五老全携入室筇
更問濂溪風共月
又移牕下到腦中

賦新花竹

花紅竹綠兩相當
綠竹紅花在道傍
竹引花風心浪動
花含竹露面芬芳
須知竹戀花蝴蝶
喜見花貪竹鳳凰
彼此莫嫌花共竹
他年花老竹蒼蒼

贈王竹窓

若欲相尋向竹邊
開牕着屐更誰先
定有一輪穿密

密可無數點洗涓涓茂林從昔於儂好太極遙恰似
我圓釣竿莫惜分新綠更割半窓瀟灑天

中秋謝施婺源爰出平游李林蒼蒼

高情古意滿溪梅靜拍欄干儘兩眸月不露圭天有
道風能結谷水無愁從吾所好萬青壑捨我其誰雙
白鷗別樣主人情重處不將紅妓浣中秋

和子思弟韻壽母又許謝下隱湖中

劣相誰知此老天瑤池專遣雪當筵開花敬上夫人
壽列樹無非西子妍松學妙齡施粉點鸞迷歸路認
蓮船水晶世界瓊梅閣肯道人間不是仙

次韻黃玉如求記

先子北山書劍留山川還自舊相繆與君去歲銜孟

處遣我長歌陟岵游瘦鷓風輕霜檜舞歸鴉烟重晚

林投中齋孟氏仙官府同號同庚成佛不時孟之晉

與玉如同

號同庚

川原紅紫一時新暮雨朝雲更可人燦若中興紅藥

相嫣然何慮海棠嗔天將好景煩吟筆我自清時作

幸民書冊埋頭無了日不如拋却去尋春

次允杰五首

魏公間氣孰能儔
纖若登梯量自優
父母床無烹子
办相公腹有濟川舟
江山之外雲端鶴
天地中間海上鷗
學進識明涵受闊
連天遠水月明樓
斯人非與更誰儔
咸以無心感最優
上下天光萬頃
碧乾坤中處一虛舟
相從相語何妨鶴
纔有機心不下鷗
平地人間無限闊
元龍何必卧危樓

相鶴先經古罕儔
一詩襟括爾才優
雲天杳杳仙騏
駿蓬海茫茫我楫舟
赴隴光榮空似鳳
乘軒浩蕩不如鷗
淵材多事添煩惱
一夜胎仙頻倚樓
老鶴吾慚鶯谷儔
揚州草檄類俳優
千年橘井雉城

字萬斛桃花鶴料舟爲文待漏書丹鳳如此有盟寒
白鷗歌吹竹西驚昨夢眼中騎鶴有高樓
辦香曾侍鶴山儔蜀有鶴林殊匪優蛻作嬰兒生我
室化爲道士掠予舟相同龜壽鵬鷄自混雞群狎
鷺鷗仙子已騎黃鶴去此地空餘黃鶴樓

六月雨十一首

麟筆大書六月雨蟬聲靜掃一天秋天河倒挽甲兵
洗地寶咸歸稭稻疇雨餘欹枕軒牕月天際歸帆蘋
蓼洲一飽了知天賜履漉巾洗盞辦新筍

岫雲已喜能成雨不卜先知今有秋作楫作霖三說

命時暘時雨九箕疇數行竹樹清風夜萬頃烟波明
月洲二客從予遊赤壁歸謀正值酒堪筩

先集流傳妙詩句芄芄禾黍舞涼秋九秋寶麗從天
落一雨賦興矧若疇月更風流寫松竹雨餘涼意滿
汀洲客來且貰鄰垆酒家釀明朝儘可筩

雨餘目極乾坤月雪外天連穉稭秋舜殿風薰殊未
玉堯天雨施自君疇層波渝我蒹葭渚列宿嗤人杜
若洲珍重菊莊來顧我床頭爲子出春筩
都忘甲子不知老三十六峯無限秋江水清兮鱗百
丈廬山高處稻盈疇堯時丙子壽星數坡句許家仙

島洲自分吾生老耕釣花瓢趁取日先筭

五更殊覺洗空憂一兩端能接引秋陋室了知饒鶴
料高田無復拆龜疇蒲葵扇老堪箴篋楊柳梢存不
見洲混混濁流聊濯足玉泉金井酒宜筭

雙星今夜話綢繆頗語人間一夜秋萬事悠悠何預
我四方感感屬之疇萬家旁置傷心地四水宗朝極
目洲坐看白雲棲斷處支郎酒老臘前筭

行晴坐雨荷天休天地中間獨享秋淡日涼風滿衣
屨甘霖薄暮悅田疇晴天歷歷供峯嶼烟雨濛濛護
島洲感感四方瞻靡騁愁心如醉嬾新筭

彭城夜雨悲翁季手植堂前雙桂秋竹馬吾何計東
閣巾車何自樂田疇棗華頗失椿萱樹鴈影平沉橘
柚洲更憶北山移植處釣魚竿底玉醪筍
一月春風洛水幽凜然惟有壑專秋十室九空鴻鴈
渚千村萬落杞荆疇烏鳥有情瞻岵岵黃龍無底羽
淵洲思昔朝廷天廣大何時醞賜伴醪筍
今歲無時不禦寇每年此際去防秋琴散廣陵今叔
夜笳聲出室古劉疇啓沃欣承霖雨楫流離安樂鴈
鴻洲我自清時幸民着茅柴薄晚婦能筍

臨川家史君坤翁喜雨

臨川鼓舞誦賢侯
閔兩皇皇祈有秋
昨夜琅函奏霄
漢今朝玉粒雨
平疇名亭應有東坡記
積粟可寬西
顧憂我得順流南浦去
商霖又是濟川舟

浴罷

浴罷披襟竹影斜
客中殘暑散空花
人行牕外雲無
脚月起林間
燈映紗舉酒聞鐘知
近寺談詩食李却
忘家明朝又浴還
來此何必開樽只煮茶

次績溪趙簿孟英見投韻

碧澗仙人亦愛樓
星溪樓上豁雙眸
吟邊興落千峯
外醉裏眉攢萬國愁
傳舍官途輕似燕
禪心世事狎

於鷗詩人將半南唐帝碧澗雲烟六月秋

次胡伯凱韻

作詩直欲到天慳於薦應如元魯山我隱自便甘曲
渚子來相與釣清灣閑中日月詩書府地上神仙人
世間尋柳問花千古意牕前幽草不須芟

贈李企

鴈湖曾是謫臨川誰道風流愧昔賢共覺共堯亂堯
世何須虞芮質周田三年遷客僅數舍一日恩書落
九天歸去來荒松菊徑勉旃忠節振家傳

寄東宮官

瀛洲有詔翊儲宮妙選歡傳有古風鶴禁共看周八
士狐裘記取國三公年華春早雞聲裏博望秋嚴霜
氣中入侍緝熙傳聖學四書雋永事何窮

題俞時琰杏山堂醫

妖冶來奔夜色昏殺然絕谷有神明春融庭畔一簾
柳秋滿湖邊萬頃雲蕩滌胃腸無穢濁洞明空色有
真清陳樓相問胡盧處本事方書世並行

曆日

曆日從頭又一新直饒燕雀喜新晴梅花獻歲無邊
景喜鵲今朝第一聲柳眼知時王幕綠草心報國漢

朝青日晴夜雨豐年兆雨過雲開月滿庭

香潭八首

平生不作明河篇一笑童心尚隱然後日視今哀後
日同年而語不同年瑩清川澤玻璃地濃淡烟雲水
墨天佟向癡人前說夢何妨句裏有婵娟
瓊林宴坐賜詩篇先帝恩光故燁然紫陌尋春思是
日紅牋通刺戒同年浮花浪蘂陽和地踈影暗香霜
雪天松栢歲寒吾共子春風永巷閑連娟

殷勤教我琵琶篇年友胷中炯炯然公瑾風流酬江
月孔明禮樂中興年君臣可謂逢千載南北須教總

一天水調歌中休惜別月明千里共婵娟

我歌亂以歸來篇君笑騎驢孟浩然君有風雲須得地我無曆日不知年君貪觴咏盟泉石我願朝廷泰地天君去登畿春浩浩我歸受幣女娟娟

信筆篇篇又一篇東坡父子故依然鳳凰鳴處知何日龍虎榜中今幾年殘歲寄寒難避地顛風急雪更無天六宮粉黛無顏色誰道人間少靜娟
斗酒從來詩百篇世間莊語便譁然蕙蘭得志應無日稊稗逢時却有年何必怨尤難捨我欲教平治直須天生來不被娥眉誤人間無麗娟

老師當日啓靈篇親手傳承豈偶然殘月曉風空夜
夜垂楊芳草自年年報恩男子那無地未喪斯文決
有天月在香潭照心曲更饒一雨洗娟娟
政湏洗耳聽新篇業已扁舟學計然潔已庶幾堪諫
主力田未必愧逢年菑畲之業平心地金石之交只
在天舞殿歌臺從冷暖此心如月一嬋娟

先天集卷四

中村謝侯良知千里共教諭

先天集卷五

律詩七言

仲春初五日報謁

玉磬蒲團出定音，
謁酬與世費浮沉。
徑松叅漢周官肅，
鳩竹蔽雲商易深。
暮色溪山皆有道，
春風花草本無心。
年來年來頭成白，
斗酒樓前明月斟。

多謝

多謝東皇着意晴，
海棠勻趁笑相迎。
園林富貴何千萬，
花柳功勳已十成。
曉兩有情於芍藥，
春風無處不流鶯。
扁舟水長一篙許，
茶竈筆床聊意行。

早起

早起輕寒尚袂衣
飯餘春雨滿行旂
春波綠處春草碧
曉露濃時曉日晞
桃李年年春富貴
桑麻事事道精微
詩情不在火爐畔
風雪灞橋烟景歸

厭厭

厭厭夜飲忘更深
客不來辭主有情
僮僕觸屏成蝶夢
姬姜雁笛作蟬聲
月如有待行行慢
風不生嗔細細清
萍散人生何可料
嬋娟千里共交盟

軒項似道眉子硯

天集集賢得予同年湯東澗所贊眉子石輒贈梧

新安硯石舊多竒硯入黃扉得所歸呵水浮雲尤物
視傳衣半夜偉人知坡仙爲欠十眉詠李及何妨一
硯持堪笑泉田老居士無端渾沌盡新眉

玉齋憶胡同年

同年情誼弟兄伴姓不同兮馬范儔吾榜得人今古
盛使君與我腹心投斜陽遮斷離愁路野渡撐開別
恨舟水調聲中多少事暮烟林壑月明樓

林林賦廷玉菊存堂

祖菊園翁孫菊存君家菊譜傲蘭孫天隨天問非他

族秋意秋懷自一門白送遶籬從谷谷黃飄流地彼
村村花應自賀三生遇親見淵明無此孫

別無賦吳廷圭篋西亭

暮臥林堂日即對

竹西歌吹古楊州分與延陵第一流直節雪霜霜曉
檻虛心風月月明樓東南直道輝青史朔北虛懷動
玉旒立盡斜陽更新月纏腰騎鶴此君游

題德新堂

李景七無微戰出盡海風

同年吾憶鄭盤翁獨向盤銘緊用工似玉躬行勤淬
礪如碁世事極磨礪初年晚節渾無斃昨日今朝便
不同遺子貽孫新未已盤銘須信有奇功

起來

起來霜月冷颼颼清興催人不自由
萬戶千門胡蝶
夢五更三點黑貂裘旦公待旦霜如雪
時夜如時月
似鈎明日人來問寄字一天霜月倚西樓

輕烟薄霧結淒迷顆顆勻圓訝許齊
無雨無風聞葉響如珠如粟壓花低
飛來蓮葉仙猶濕吟過林稍蟬
不饑散洒劉郎金露掌不垣不戶總京低

臨川閣入時喜氣

臨川攝守得仁侯閔兩精誠貫顯幽五日不將京兆

夕子集卷五
三
看豐年惟切杜陵憂先欣霖霖滋青稻佇見滂沱漲
碧流物外閑人歡喜處炎天亭受一亭秋

不期送孫山長謁皮叅政

龍榮

授鉞天教錦故鄉公心泉石不旂常沙堤正自恐不
免野渡安能久退藏羨子白劉從綠野顧子雞犬愧
旌陽袞衣會趁春風入野服猶堪謁道傍

代第二首

少年卜式謾輸邊畢竟鄉人合薦賢純
食浮名過眼謝騰騫聖恩雨露榮親日春酒光風介
壽天世事到頭都是夢青衫贏得畫圖傳

渭陽夢斷幾經年，幸甚東床再有緣。
躍鯉庭中看鑄鼎，乘龍門外待揚鞭。
墓碑不載韓翱字，文集應傳李漢編。
愁滿重慈鬢，邊雪夜來風雨暗前川。

挽張丞泳

異時兩舉遂登科，人謂功名當若何。
三十餘年空屈曲，七泐脫選竟蹉跎。
爲丞再出簿尉下，斯世渾如夢覺過。
同里同年老御史，諒難如此不悲歌。

送周徽州赴建州

作牧文公父母州，考亭今又借邦侯。
來莫建山同仰止，去思歛水共長流。
貢茗莫淹千里守，和羹須是百

花頭暇日摩挲寧璧記昔梁叔子後身周

次周尚書八首

卜隱偏宜大好州浮雲夢不到王侯細評月露蒼山

峙靜止花闌綠水流泉

淋頭西江賓幕相須久贏得閑吟謁道周

溫州今似古青州溫飽能輕百戶侯沃力泉源那擇

地歲寒砥柱屹中流要知蟬三公府便是黃扉四

狀頭萬事世間唐土爾辦將勳業到伊周

公與梅溪生共州一編默受似留侯冰霜歲晚全清

節涇渭胸中肯混流皎日當空我豸角支天一柱屬

龍頭時清俸可巢由我身健猶看師宰周

曾共芙蓉下視州舊衝仍是醉鄉侯半山相俟歸投
老若水公兮急退流世事每觀強努力人生何似太
刀頭摘文儘自染燕許閑夢何妨我蝶周

老氣軒昂蓋四州文場真將屬條侯君扶黃道青如
許我住花屏翠欲流禁路促歸一夔足詞場飛跨六
鰲頭隱箕山上泉瓢許歌大江東羽扇周

后山着意送荊州相伴兒童餞細侯風月夜深獨先
覺乾坤秋老不同流江閩凱悌地聯脉關陝規恢天
盡頭聞說齊疆婦唾手世如用孔作東周

詩律無寒

鄴州家風洗耳

侯

傳以酒爲真

印萬法惟梅不共流幸免五經嘲笥腹可無百尺進
竿頭從來此道飄零甚戎索惟憑疆以周
平原平等視青州不佛不仙仍不侯滿樹絲蘿天富
貴半牕水墨月風流皆云臨濟具雙眼且放東坡出
一頭劈畫尚能千百歲須臾一笑跨商周

排律五言

暮春聯句九首

清廟朱絃瑟羔羊素絨風釣竿漁艇小園徑李蹊通
白酒渾忘送皇天似不公風簷開秀色雪嶺現酥膏

王化殊無外聖賢時復中人稱君子子卿自密翁翁
從喚酒經癖聊紆花史忠前知安用卜定見不訪訂
橘僕使令熟竹君家計豐六年無不可三語將無同
椰子慣乞巧韓公不送窮

只爲士大夫道
得介乞字慣

畏愛看衰日清和夷惠風仁何如管仲恩罔極王通
王必三微謹天爲一大公五行應過眼萬字佛頭胸
治國運掌上經書滿腹中憑欄心尚壯引鏡鬢俄翁
錫屈天生德教咸黃覽忠齊夷靡瞻騁內外詛萬訂
一酌泉流濁四知囊匱豐詠觴聊暢叙羨水辨和同
不當陳三價難逃黃九窮

隆冬老儒立奸黨一碑豐三晉春秋在千年綱目同
長天炤孤憤清夜好研窮

我似濂溪拙人嗤凝式風天連千障合水可四溟通
我友二三子他年十八公道遙吟弄趣洒落霽光胸
傲睨芸香裏醉眠花影中文章解遷史詩律更涪翁
與酒交逾密爲花謀必忠鶴琴清夜警鶯燕暮春訶
冰釋契杜預露晞詢鞏豐幾能知至至學貴不同同
山水清音有園林勝事窮

徐字不晉帖楚詩無國風

山谷誦東坡我詩如曹邨
淺陋不成邦公如大國楚

吞五湖三江十五國
風無楚詩蓋外之也

天邊長劔倚花外小車通不肯

吏文叔誰能書子公二三豪俊出數萬甲兵胸柳暗
琴三疊梅殘酒一中羨君屠龍技笑我祝雞翁擊甕
浮兒志編橋度蟻忠行春奉寬詔佩犢弭兵証天濶
吟邊遠月明詩檐豐秋光宦情薄鳶鷺嘯聲同清澗
耳堪洗深山目更窮

寸心元有兩八面更當風精衛海能涸杜鵑天可通
君臣知有義褒貶豈無公一展霹靂手九吞雲夢胸
狂瀾障川外砥柱橫流中曷不身伊尹空教口晦翁
主憂臣不辱世亂孰爲忠白日青天共潢池渤海証
居家移官理憂國願年豐今古心符節乾坤理勘同

普能知道大院不慮途窮

爨調能十兩具訓微三風希聖如顏子何時笑叔通
明經徒爲利穢史不能公落落經綸腹悠悠錦繡胸
茶烟禪榻上衲蓋酒盃中皇覽方佳少青衫已秃翁
淒涼語柴話寂寞教咸忠青嶂鶴仙迓白楊鴉夜誼
庭前雙桂樹堂上六經豐皇帝春秋盛車書夷夏同
移忠聊士諾獨善未妨窮

賀公雅吳語文靖詠唐風我自儒多誤心慙佛六通
將焉用彼相不肯爲渠公明月夜滿目晴雲曉盪胸
馬更騎東下驢更入花中無慮殊難老有頭能自翁

尚佯生計拙瀟散自謀忠白酒盃中滿紅塵門外訶
漢輪謾牧叟魯質不周豐自詭冰堅渡如新火浣同
青山青未了綠水綠無窮

詩雜體

途中賡禁體雪韻

野店衝寒出曉芭渾如踏月過溪沙五漿先具詹頭
葢六博爭雄屐齒花狐白裘成天不管玉清境淨地
無瑕素光自是漁人物披得一簑來酒家

十二辰

饑鼠簷行驕捷疾蝸牛角立爭竒崛似聞猛虎今陸

游從以卧免未飄勳先生龍卧未風雲春蚓秋蛇供
醉筆蕭蕭馬鳴旆悠悠牧民如羊良率易人言唐土
愧二猴漢使碧鷄真浪出屠狗師還戒勿用驅猪試
問問王弼

題清足堂

轅轡格

秀翁今又以光名牕外琅玕不欠清十八公松曾入
夢兩三竿竹豈無情紅塵不近春風瑟翠色能添夜
雪燈我欲釣竿蓑笠去斲分烟雨子還能

次韻曉行進退格

主人別客屢挑燈客喜乘涼月下行暗露濕螢仍濕

草曉風殘月更殘更柔情燕燕椒房夜雅韻鶯鶯桂
魄晶朝往長沙成夜醉宵征肅肅醉翁亭

用名世弟韻進退格

大圭白壁男兒事小酌青燈兄弟情倚閣烟雲生別
浦高林風月滿踈櫺人生功業何損益外物本心須
重輕志節始終非易事退之猶自怵天刑

悶來首尾吟

悶來時暫作兒嬉沽酒溪邊就買魚鷗鳥水雲天一
色梅花雪月地三奇水西何況景尤絕雪後懸知盡
不如安得扁舟更蓑笠悶來時暫作兒嬉

次韻程說和首尾吟

燈花昨夜爲誰開誰笑泉田處士來不染一塵宜寶
界長如三月似天台頻搖塵尾頻揮翰每看蟾輪每
舉盃和氣滿堂春拍拍燈花昨夜爲誰開

先天集卷五

先天集卷五

舉孟味鼻無室春時時對并拍交為難開

界身吹三月以天台懸懸處風懸轉解無音難解每
對并拍交為難開難矣泉田靈士來不奈一盡宜寶

水階野端時首風



台北科技大學圖書館



3103294